

բաժին յաւարէ նոցա, սաստկացոյց զհարստահարութիւնն ժողովրդեան, զի սպառնալութեամբ նոցա ինքն արդարասցի, և եհաս իսկ որում ցանկայրն. «Չմեծամեծ չարիսն, զոր յուղէր Փլորոս, զարժանի պատճառս չգտանեմ» ասէ Յովնեսպուս Թէպէտ 'ի դալ կետորոսի դատաւորին Ասորոց յերուսաղէմ՝ դիմեցին առ նա Հրէայք արք իբրեւ 300 բիւրք և ազաչէին զնա 'ի բաց վանել զՓլորոս զապահանիչ գաւառին, այլ շահեցան և ոչ ինչ. զի նա յորդորեաց զնոսա հանդարտիլ 'ի խաղաղութիւն, և անց գնաց Բայց Փլորոսի ոչ ինչ էր փոյթ զամբաստանութեանց նոցամանաւանդ թէ ծաղր առնէր զսղաղակս խառնամբոյս խուժանին իբրեւ մոլեգնելոց:

Եղիտղար որդի քահանայապետին Անանիա իշխան Տաճարին, յարձ զամենայն պատարադս վառն օտարաց (66) ընդ որս բարձաւ և պատարագն վառն Կայսեր. յարձակեցաւ ամբոյս ինչ 'ի վերայ դղեկին Մասադայ առ Մեռեալ ծովուն, և կոտորեաց զամրականան Հռովմայեցիս, և այսպէս եղև սկիզբն պատերազմին ապստամբութեանս: Խաղաղամէրքն ազաչէին զՓլորոս առնուլ զառաջս խոսովութեանն, բայց նա չետ ինչ նոցա պատասխանի. 3000 հեծեալքն՝ զոր թագաւորն առաքեաց, ոչ կարացին լինել դիմակալ ապստամբացն, որ երթային և աճէին, եւ անգագար յարձակէին 'ի վերայ արքունական դղեկին Երուսաղէմի, մինչեւ արկանել զՀռովմայեցիսն յերեսին աշտարակն շինեալս 'ի Հերովդէէ, եւ զօրացն Ագրիպպայ շնորհեցին երթալ 'ի բաց: Իբրեւ անձնատուր եղեն նոցա Հռովմայեցիք, կոտորեցին զնոսա յաւուր շաքաթու հակառակ խոստմանն իւրեանց:

Բարձաւ այնուհետեւ ամենայն յոյս խաղաղութեամբ զիրան վճարելոյ: Կեսդիոս Գաղղոս կուսակալ Ասորոց 25000 արամբ խաղայր 'ի Հրէաստան, զճանապարհայն զգիւղս և զքաղաքս հրձիգ առնէր, և որ ոք անկանէր 'ի բուն կոտորէր: Յարկանել զբանակ իւր հանդէպ Երուսաղէմի, Հրէայք յարձակեցան մոլեգին 'ի վերայ նոցա, եւ կոտորեցին աւելի քան 4500 այր: Այլ Կեսդիոս եմուտ 'ի քաղաքն ստորին, եւ հարկանէր զքաղաքն վերին գաւուրս հինգ, եւ 'ի վեցերորդումն զՏաճարն իսկ դլխովին, եւ